

UGOVOR
o nabavci opreme

Zaključen između:

1. Agencije za bankarstvo Federacije BiH, ulica Koševo 3, 71000 Sarajevo, koju zastupa Zlatko Barš, direktor (u nastavku: Agencija)

i

2. QSS d.o.o. Sarajevo, ulica Dejzina Bijića bb, sa sjedištem u Sarajevu, ID broj: 4200103980007, kojeg zastupa Isan Selimović, direktor (u nastavku: Dobavljač)

Ugovorne strane su saglasne da na osnovu provedenog otvorenog postupka nabavke roba – mrežna oprema za potrebe Agencije i Odluke o dodjeli ugovora, broj: 05-2706-6/15 od 27.07.2015. godine, zaključe ugovor, kako slijedi:

I. PREDMET UGOVORA

Član 1.

- 1) Predmet ovog ugovora je nabavka informatičke (aktivne mrežne) opreme za potrebe Agencije, prema ponudi Dobavljača, broj: 34/15 od 20.07.2015. godine, koja čini sastavni dio ovog ugovora.
- 2) Dobavljač se obvezuje da će izvršiti isporuku opreme iz stava (1) ovoga člana pod uslovima navedenim u tenderskoj dokumentaciji i u skladu s tehničkim karakteristikama identičnim onim u ponudi Dobavljača.

II. CIJENA I NAČIN PLAĆANJA

Član 2.

- 1) Cijena opreme iz člana 1. ovog ugovora iznosi : 77.870,52 KM, sa uračunatim PDV-om (slovima: sedamdesetsedamhiljadaosamstotinasedamdeset i 52/100 KM).
- 2) U cijenu iz stava 1) ovog člana uključeni su svi troškovi i naknade koje Dobavljač može imati u toku i u cilju realizacije ovog ugovora.
- 3) Ugovorena cijena je fiksna i nepromjenjiva cijelo vrijeme trajanja ovog ugovora i ne podliježe bilo kakvim promjenama.
- 4) Nakon potpisivanja zapisnika o primopredaji predmeta ugovora Agencija će iznos iz stava 1) ovog člana platiti u roku od 30 dana od dana prijema fakture za plaćanje.
- 5) Plaćanje će se izvršiti žiralno na račun Dobavljača, prema dobivenim instrukcijama za plaćanje, na osnovu njegovog ispostavljenog računa, koji sadrži opis, jedinične cijene i ukupan iznos isporučene opreme.

III. ROK I MJESTO IZVRŠENJA ISPORUKE

Član 3.

- (1) Dobavljač se obvezuje isporučiti opremu iz člana 1. ovog ugovora u skladu s uslovima navedenim u njegovoj ponudi, odnosno u roku od 30 dana, računajući od dana potpisivanja ugovora od strane obiju ugovornih strana. Dobavljač je u obavezi pismeno obavijestiti Agenciju o datumu isporuke opreme najkasnije 3 (tri) dana prije isporuke.
- (2) Dobavljač se obvezuje predmetnu opremu isporučiti FCO Agencija, na adresu: Zmaja od Bosne 47b Sarajevo.
- (3) Troškove prijevoza do mjesta isporuke snosi Dobavljač.

IV. TEHNIČKI PRIJEM OPREME

Član 4.

- 1) Isporučena oprema mora biti nova, s naznakom proizvođača i vlasništvo Dobavljača, te odgovarati svojstvima iz specifikacije opreme, koja je sastavni dio ovog ugovora.
- 2) Agencija, odnosno njeni ovlašteni predstavnici, u prisustvu ovlaštenih predstavnika Dobavljača, izvršit će tehnički prijem, odnosno sačiniti zapisnik o izvršenom kvalitativnom i kvantitativnom prijemu opreme, u cilju utvrđivanja da li isporučena oprema odgovara zahtjevima iz tehničke specifikacije kao sastavnog dijela tenderske dokumentacije.

Član 5.

- 1) U slučaju da se prilikom tehničkog prijema opreme utvrdi da ista ne ispunjava postavljene zahtjeve, da ima vidljive nedostatke ili da nije u funkciji, Agencija ima pravo da odbije prijem takve robe, uz mogućnost da Dobavljač, u roku koji mu odredi Agencija, zamijeni odbijenu robu.
- 2) Svi troškovi u vezi sa zamjenom opreme koja nije u skladu sa zahtjevima Agencije, odnosno tehničke specifikacije, u smislu prethodno navedenog, kao i druge troškove i štete koje bi mogli proisteći s tim u vezi, padaju na teret Dobavljača.

Član 6.

Obaveze Dobavljača su:

- a) da isporuči opremu u ugovorenom roku;
- b) da Agenciji omogući nadzor nad vršenjem isporuke predmeta ugovora, te da na njen zahtjev obustavi isporuku opreme ukoliko se utvrdi da ista nije u skladu sa ugovorenim tehničkim karakteristikama;
- c) da potpiše zapisnik o primopredaji predmeta ugovora;
- d) da dostavi fakturu za plaćanje.

Član 7.

Obaveze Agencije su:

- a) da Dobavljaču pruži neophodne informacije u vezi s isporukom opreme;
- b) da potpiše zapisnik o primopredaji predmeta ugovora;
- c) da izvrši plaćanje na osnovu primljene fakture.

V. GARANTNI PERIOD

Član 8.

Garancija za isporučenu opremu je u skladu sa zahtjevima iz tehničke specifikacije. Dobavljač se obvezuje da će osigurati servis i rezervne dijelove za proizvode iz ugovora u garantnom roku, a prema potrebi i poslije garantnog roka, u skladu sa uslovima proizvođača.

VI. UGOVORNA KAZNA

Član 9.

- 1) Ukoliko Dobavljač ne izvrši svoje obaveze u ugovorenom roku, dužan je za svaki dan zakašnjenja platiti ugovornu kaznu u iznosu od 0,10% ugovorene cijene, za koju se prilikom plaćanja umanjuje iznos za plaćanje, o čemu će prethodno obje ugovorne strane (ukoliko je potrebno) sačiniti odgovarajuće knjigovodstvene isprave. Ukupna vrijednost ugovorene kazne koja se plaća ne može iznositi više od 5% vrijednosti ugovora.
- 2) Dobavljač je, također, dužan platiti Agenciji svaku štetu koja joj je prouzročena, odnosno koju je pretrpjela zbog zakašnjenja s isporukom opreme.
- 3) Ukoliko Agencija ne izvrši svoje obaveze iz člana 2. ovog ugovora, obavezna je Dobavljaču za svaki dan kašnjenja, platiti zakonsku zateznu kamatu prema propisima Federacije BiH.

VII. RASKID UGOVORA

Član 10.

- 1) Ugovorne strane su saglasne da, ukoliko jedna od ugovornih strana propusti ispuniti ovim ugovorom propisane obaveze, odnosno ne postupa u skladu s njegovim odredbama, druga ugovorna strana ima pravo jednostrano raskinuti ugovor, na osnovu izjave date u pisanoj formi.
- 2) Ugovorna strana čijom krivicom ili nepažnjom, odnosno neizvršavanjem ugovorenih obaveza je došlo do jednostranog raskida ovog ugovora, dužna je drugoj ugovornoj strani nadoknaditi štetu, zbog raskida ovog ugovora.

VIII. ZAVRŠNE ODREDBE

Član 11.

Za sve što nije regulisano ovim ugovorom, primjenjivat će se odredbe Zakona o obligacijskim odnosima.

Član 12.

Sve eventualne sporove koji mogu nastati u provedbi ovog ugovora ugovorne strane rješavati će sporazumno, u duhu dobrih poslovnih odnosa i uzajamnog povjerenja, u direktnim pregovorima. Ukoliko se sporazumno rješenje ne postigne, ugovara se nadležnost suda u Sarajevu.

Član 13.

Sve izmjene ovog ugovora mogu se vršiti isključivo i samo uz pismenu suglasnost objiju ugovornih strana.

Član 14.

Odredbe ovog ugovora izraz su volje ugovornih strana, te ga iste odriču pobijati.


Član 15.

Ugovor je sačinjen u 4 (četiri) istovjetna primjerka, po 2 (dva) za svaku ugovornu stranu.

Član 16.

Ugovor stupa na snagu nakon što ga potpišu ovlašteni predstavnici objiju ugovornih strana.


Agencija



Broj: 05-2706-7/15

Datum, 27.07.2015. godine

Dobavljač



Broj: 0308-04/15

Datum: 03.08.2015.

QSS d.o.o. Sarajevo

Datum: 03.08.2015
Br. protokola: 1100/15